

文卷第十

奏議狀六首

百官行狀奏

陵廟日時朔祭議

與本使論陸巡官狀

與本使請停率備寺觀錢狀

再請停寺觀錢狀

論故度支尚書事狀

百官行狀奏

右臣等無能謬得秉筆史館以記述為職夫勸善懲惡正言直筆紀聖朝功德述忠臣賢士事業載奸臣佞人醜行以傳無窮者史官之任也伏以

下即位十五年矣乃元年平夏州二年平蜀新開
三年平江東斬錡張茂昭遂得易定五年擒史得
澤潞邢 七年田弘正以魏博六州來受賞貢十
二年平淮西斬元濟十三年王承宗獻德棣入朝
稅滄景除吏十四年平淄青斬師道得十二州
漸武功自古中興之君莫有及者而自元和以來
未著實錄盛德大功史氏未紀忠臣賢士名德甚
有可為法者逆臣賊人醜行亦有可為誡者史氏
皆闕而未書臣實懼焉故不自量輒欲勉強而
述先人之事迹非大善大惡則衆人無由知

舊例皆訪問於人又取行狀謚議以為一據今之
作行狀者非其門生即其故吏莫不虛加仁義禮
智妄言忠肅惠和或言盛德大業遠而愈光或云
直道正言歿而不朽曾不直叙其事故善惡混然
不可明至如許敬宗李義府李林甫國朝之奸臣
也其使門生故吏作行狀既不指其事實虛稱道
忠信以加之則可以移之於房玄齡魏徵裴炎徐
有功矣此不惟其處心不實苟欲虛美於兩受息
之地而已蓋亦為文者又非游夏廷雄之列務於
華而忘其實溺於辭而棄其理故為文則失六經

之古風記事則非史廷之實錄不知此則辭句鄙
陋不能自成其文矣由是事失其本又害於理而
行狀不足以取信若使指事書實不加虛言則必
有人知其真偽不然者縱使門生故吏為之亦不
可以謬作德善之事而加之矣臣今請作行狀者
不要虛說仁義禮智忠肅惠和盛德大業正言直
道蕪穢簡冊不可取信但請事說實直載其詞則
善惡功跡皆據事足以自見矣假令傳魏徵但記
其諫爭之詞足以為正直矣傳裴秀實但記其
司農寺即以追逆兵又以舉劾擊朱泚自足

以為忠烈矣今之為行狀者都不指其事率以虛
詞稱之故無以據之而加以正直無秀實
之義勇而加之以忠而加之其何足以為據
若考功而然之不依此者不得受此者乃下
太常并職其能大常定謚牒送史館其行狀之言
縱未可一二皆信與其虛加矣
山澤高下不同史氏記其地不若其地
例皆是空言則使史館何所為哉
使考功等行善惡之詞雖故史館亦
而加之矣臣等要知事實無欺而感無

任戰越謹奏

陵廟日時朔祭議

徵事郎守國子博士史館脩撰臣李紱等謹獻議
曰國語曰王者日祭禮記曰王立七廟日月祭之
周禮不載日祭月祭惟四時之祭禘禘禘禘嘗漢朝
皆雜而用之蓋遭秦火詩書禮經煨燬編殘簡缺
漢乃求之先儒穿鑿各伸已見皆稱古聖賢之名
以信其語故其所記各不同也古者廟有寔而不
墓祭秦漢始建寔廟於陵而上下食焉國家因之
而不改正觀開元禮並錄亦稱日祭月祭之禮蓋

以日祭月祭既已行於陵寔矣故太廟之中每歲
五享六告而已不然者房玄齡魏徵之輩皆一代
名臣窮極經史豈不見國語禮記有日祭月祭之
辭乎斯足以明矣伏以太廟之享遵豆牲牢三代
之通禮是貴誠之義也園寢之奠改用常饌秦漢
之制乃食味之道也今朔望上食於太廟豈非用常饌
故事斯為可矣若朔望上食於太廟豈非用常饌
味而貴多品乎且非禮所謂至敬不享味而貴氣
臭之義也傳稱屈到嘗芟有疾召其宗老而囑之
曰祭我必以芟及祭薦芟屈建命去芟而用羊饋

遵豆脯醢君子是之之言事祖考之義當以禮為重
不以其生存所嗜為獻蓋明非食味也然則薦常
饌於太廟無乃與薦為比乎且非三代聖王之
所行也况祭器不設俎豆祭官不命三公執事者
唯宮闈令宗正卿而已謂之上食可也安得以為
祭乎且時享于太廟有司攝事祝文曰孝曾孫皇
帝臣某謹遣太尉臣名敢昭告于高祖神元皇帝
祖妣太穆皇后寶氏時惟孟春永懷周極謹以一
元大武宗毛剛靈明嘉嘉蔬醴齊敬脩時享
以中遠慕尚享此祝詞也前享七日質明太尉持

言於尚書省曰某日時享于太廟各揚其節
併其事國有常刑凡陪享之官散齋四日致齋
日然後乃可以為祭也宗廟之禮非敢擅議雖有
知者其誰敢言故六十餘年行之不廢今聖朝以
弓矢既櫜禮樂為大故下百僚使得詳議臣等以
為貞觀開元禮並無太廟上食之文以禮節情嚴
之可也至若陵寢上食采國語禮記日祭月祭之
詞因秦漢之制脩而存之以廣孝道可也如此則
經義可據故事不遺大禮既明永息異論可以繼
二帝三王而為萬代法與其黷禮越古貴因循而

憚改作猶天地之相遠也謹議

與本使李中丞論陸巡官狀

古人有言君之視臣如犬馬則臣之視君如國人君之視臣如糞土則臣之視君如仇讎上之所以禮我者厚則我之所以報者重故豫讓以衆人報范中行而漆身吞炭以復趙襄子之讐其所以待之各不同也閣下既嘗罰推官直矣又將請巡官狀矣不識閣下將欲爲能吏哉將欲爲盛德哉若欲爲能吏即故江西李尚書之在江西是也閣下如此行之不爲過矣若欲爲盛德亦惟不惜聽九九

之說或冀少以俾萬一閣下既罰推官直又請陸巡官狀獨不慮判官輩有如穆生者見醴酒不設遂相顧而行乎陸巡官處分所由不得於使院責狀科決而於宅中決地界虞候是初任之未適中也閣下既與之爲知己矣召而教之可也不從退之可也若判令通狀但恐閣下之所失者無乃大於陸巡官乎期受恩於閣下也深而與陸巡官之交尚淺其所深者誠欲閣下之爲全德也若信其所言即伏望使人收取元判召而語之闔府賓寮孰不幸甚如以爲小生之言不足聽也我富貴人

也何為而不可哉即敢不惟公命朝拜拜

與本使揚尚書請停脩寺觀錢狀

伏見脩寺疏閣下出錢十萬令使院共出十萬以
造石門大聖寺佛殿朝性本愚聞道晚竊不諭閣
下以為斂錢造寺必是耶朝雖貧願竭家財以助
閣下成如以為未必是耶閣下官尊望重凡所奉
措宜與後生為法式安可舉一事而不中聖賢之
道以為無害於理耶天下之人以佛理論心者寡
矣惟土本銅鉄周於四海殘害生人為逋逃之藪
澤閣下以為如有周公仲尼立一王制度天下

寺觀僧道其將具之乎其將廢之乎若將具之是
符融梁武皆為仲尼周公也若將廢之閣下又何
患其尚寡而復率其羣合力建置之也院中判官
雖副知己之命然利祿遠仕亦不以貪也豈無
孤親友由未能力及賙之歟何暇出錢以與有損
無益之務衆情不厭但奉閣下之命而為耳拳拳
下情深所未曉伏惟憫其拙淺不惜教誨若閣下
所為竟是朝亦安敢守初心以後而不為也若其
所言有合於道伏望不重改成之事而輕為後生
之所議論意盡辭直無任戰越

再請停率脩寺觀錢狀

率脩寺觀錢事前後已兩度咨聞伏請停罷前奉
處分云要與換寺觀家人院蒲葺屋以為火備此
後任停既已計料支給訖後奉處分又云且更待
一兩月者伏以前件錢於公家無補但實累稅名
公議所非為日固久不嚴尚實但苟思壯麗城地
閒未源孰大於此若閣下尚不改易則弊終無已
何特愛於此因循未革自仲尼既歿異季塞途孟
子辟而闢之然後鄭如也佛法害人甚於楊墨論
心術雖不異於中土考較跡實有蠹於生靈浸溺

人情莫此之甚為人上者所宜抑焉閣下去年考
制策其論釋氏之害於人者尚列為高等與感悟
聖明豈不欲發明化源抑絕小道何至事皆在已
而所守遂殊知之不難行乃為貴況使司稅額悉
以正名幸當職司敢不備舉伏見朝廷故事一人
所見或不足以定是非者即下都省衆議則物情
獲申衆務皆理倘朝見解凡淺或未允從院中群
公皆是材彥伏乞令使院詳議唯當是從理屈則
伏不敢徇已實下情所望累有塵黷無任戰慄朝
再拜

論故度支李尚書事狀

故度支李尚書之出妻也續有勅停官及薨亦無追贈當時將謂去妻之狀不直明白無可疑者故及此近見當使採石副使劉侍御說朝廷公議皆云李尚書性猜忌甚於李益而出其妻若不緣身病即合左降翱嘗從事滑州一年有餘李尚書具能詳熟李尚書在滑州時收一善歌嬾人陶芳於中門外處之於後陶芳與主鑰廳子有過既發李尚書召問廳子既實告之曰吾從若父所將若來故不能校若吾非怒而不留若既犯此即自於軍

中不便若遠歸又所慎無他往遂斥陶芳于家而不罪也當時翱為觀察判官盧侍御憲曰此車在衆人必怒而罪之在中道即罪之而不怒大夫雖未足以為教然亦可謂難能也推此以言即性猜忌不甚於河南李少尹詳矣劉侍御又說朝廷公議云李尚書之在滑州也故多畜媵遂斷送其妻入京以遂所欲翱又能明其不然李尚書有二子仕于京師奏請至滑泐妻德宗皇帝勅奏事軍將張瓘曰與卿本使無外往告卿本使可令妻及新嬾家來就上都為婚亦有手詔李尚書遂發二新

頰及妻入京以奉詔二舅既成婚其妻遂歸滑州
自陶芳之外更無妻媵况李尚書將畜女媵不假
令妻入京惟此以言即與朝廷公議之不同也如
此朝以為古人之逐其臣也必可使復事君去其
妻也必可使復嫁雖有大罪猶不忍彰明必為可
辭以去之也故魯參之去妻也以蒸黎不熟孟軻
之去妻也以惡敗鮑永之去妻也以叱狗姑前此
皆以事辭而去之也李尚書於此二事外猶有他
過即非朝所知也若公議所責祇如劉侍御之得
則無據所目見而辨也韋然如前所陳矣凡人家
中門內事外人不可周知偏信一黨親族之言以
為公議即不知是議之果為公耶私耶未可知也
以閣下所聞倘猶有加於是者不惜示及如或祇
如前兩說伏望不重改既往之論而明之於朝廷
使非實之謗罷傳說於人間既沒之魂不銜冤於
泉下幸甚幸甚朝於李尚書初受顧惠及其去選
也客主之義亦不得如初惟矣茲所陳者但樂明
人之屈而正之耳伏計不以為黨謹狀

李文卷第十

李文卷第十

行狀實錄三首

韓吏部行狀

嶺南公行狀

皇祖實錄

故正議大夫... 杜國賜

紫金魚袋贈... 公行狀

曾祖恭皇任曹州司... 州長史父

仲卿皇任秘書郎... 愈字浪之

昌黎某人生三歲父... 長讀書能

記他生之所習年二十... 進士... 州亂詔以

舊相東都留守冀晉為平章事宣武軍節度使以
平汴州晉碎公以行送入汴州得試秘書省校書
郎為觀察推官晉卒公喪要喪以出四日而汴州
亂凡從事之居者皆殺死武寧軍節度使張建封
奏為節度推官得試太常寺協律郎授四門博士
遷監察御史為幸臣所惡出守汝州陽山令政
有惠於下及公去百姓多以公之姓以命其子改
江陵府法曹軍人為權知國子博士宰相有愛公
文者將以文學取處公有爭先者構公語以非之
公恐及難遂求分司東都權知三年改真博士

入省為分司都官員外郎改河南縣令日以職
號於留守及尹故軍士莫敢犯禁入為職方員外
郎華州刺史奏華陰縣令柳澗有罪遂將貶之公
上疏請發御史辨曲直方可處以罪則下不受屈
既柳澗有犯公由是復為國子博士改比部郎中
史館脩撰轉考功郎中脩撰如故數月以考功知
制誥上將平蔡州先命御史中丞裴公度使諸軍
以視兵及還奏兵可用賊勢可以滅頗與宰相意
忤既數月盜殺宰相又害中丞不克中丞微傷馬
逸以免遂為宰相以主東兵自安祿山起范陽陷

兩京河南北七鎮節度使身死則立其子作軍士
表以請朝廷因而與之及貞元季年雖順地節將
死多即軍中取行軍副使將校以授之節習矣成
故矣朝廷之費恬於所安以苟不用兵為貴議多
與裴丞相異唯公以為盜殺宰相而遂息兵其為
懦甚大兵不可以息以天下力取三州尚何不可
與裴丞相議台故兵遂用而宰相有不使之者月
滿廷中書舍人賜緋魚袋後竟以他事改太子右
庶子元和十二年秋以兵老父也賊未滅上命
丞相為淮西節度使以招討之丞

是以公兼御史中丞賜三品衣魚為行軍司馬
丞相居於郾城公知蔡州精卒悉聚界上以拒
軍守城者率老弱且不過千人丞白丞相請以
三千人間道以入必擒吳元濟丞相未及行而李
愬自唐州文城壘提其卒以夜入蔡州果得元濟
蔡州既平布衣栢耆以計謁公公與語奇之遂白
丞相曰淮西滅王承宗膽緩可不勞用衆宜使辨
士奉相公書明禍福以招之彼必服丞相然之公
令栢耆口占為丞相書明禍福使栢耆袖之以至
鎮州承宗果大恐上表請割德棣二州以獻丞相

歸京師公廷刑部侍郎歲餘佛骨自鳳翔至傳京師諸寺時百姓有燒指與頂以祈福者公奏疏言自伏羲至周文武時皆未有佛而年久多至百歲有過之者自佛法入中國帝王事之不能長梁武帝事之最謹而國大亂請燒棄佛骨歸入貶潮州刺史移袁州刺史百姓以男女為人禱者公皆計備以償其直而出歸之入廷國子祭酒有直講能說禮而陋容學官多豪族子擯之不得共食公命吏曰召直講來與祭酒共食學官由此不敢賤直講奏儒生為學官日使會講生徒多奔走聽聞皆

喜曰韓公來為祭酒國子監不寂寞矣改兵部侍郎鎮州亂殺其帥田弘正征之不克遂以王廷湊為節度使詔公往宣撫既行衆皆危之元稹奏曰韓愈可惜穆宗亦悔有詔令至境觀事勢無必於入公曰安有授君命而滯留自顧遂疾驅入廷湊嚴兵校刃弦弓矢以逆及館甲士羅於庭公與廷湊湊監軍使三人就位既坐廷湊言曰所以紛紛者乃此士卒所為本非廷湊心公大聲曰天子以為尚書有將帥材故賜之以節實不知公共健兒語未及大錯甲士前奮言曰先太史為國打朱滔

滔遂敗走血衣皆在此軍何負朝廷乃以為賊乎
公告曰兕即等且勿語聽愈言愈將為兕即已不
記先太史之功與忠矣若猶記得乃大好且為逆
與順利害不能遠引古事但以天寶來禍福為兕
即等明之安祿山史思明李希烈梁崇義朱滔朱
泚吳元濟李師道復有若子若孫在乎亦有居官
者乎衆皆曰無又曰令公以魏博六州歸朝廷為
節度使後至中書令父子皆授旗節子與孫雖在
幼童者亦為好官窮富極貴寵榮耀天下劉悟李
佑皆居大鎮王承元年始十七亦杖節此皆三軍

耳所聞也衆乃曰田正刻此軍故軍不安公曰
然汝三軍亦害田令公身又殘其家矣復何道衆
乃譙曰侍郎語是庭湊恐衆心動遽麾衆散出因
泣謂公曰侍郎來欲令廷湊何所為公曰神策六
軍之將如牛元翼比者不少但朝廷顧大体不可
以棄之耳而尚書父園之何也廷湊曰即出之公
曰若真耳則無事矣因與之宴而歸而牛元翼果
出乃還於上前盡奏與廷湊言及三軍語上大悅
曰卿直向伊如此道由是有意欲大用之王武俊
贈太師呼太史者燕趙人語也轉吏部侍郎凡令

史皆不鎮聽出入或問公公曰人所畏鬼者以其不能見也鬼如可見則人不畏矣選人不得見令史故令史勢重聽其出入故勢輕改京兆尹兼御史大夫特詔不就御史臺謁後不得引為例六軍將士皆不敢犯私相告曰是尚欲燒佛骨者安可忤故盜賊止遇旱米價不敢止李紳為御史中丞擿囚送府使以尹杖杖之公曰安有此使歸其囚是時紳方幸宰相欲去之故以臺與府不協為請出紳為江西觀察使以公為兵部侍郎紳既復留公入謝上曰卿與宰相何事公因自辯數日復

為吏部侍郎長慶四年侍游有日歸後罷以十一月二日卒於靖安里嘉公氣厚性醇論議多大體與人六始終不為凡庸內外及交友之友無主者十人幼養於婦鄭氏及後沒為之甚悲以祀之深於文章每以為自稱述後作者不出其所為文未嘗效前人之言而因與之並自自元才以至於茲後進之士其有志於古文者莫不視公以為法有集四十卷小集十卷及病後請告以終每與交友言既終以處妻子之語且曰某也某也行高曉方藥食必視本朝年止於四十二歲地食不

擇禁忌位為侍郎年出伯元十五歲矣知又不足
於何而是且發終於牖下幸不至矣大節以下見
先人可謂榮矣享年五十七贈禮部尚書謹具任
官事跡如前請牒考功下天常定議并牒吏部謹
狀

唐故金紫光祿大夫檢校禮部尚書侍郎
節都督廣州諸軍事兼廣州刺史兼領
大夫充嶺南節度營田都督兼領
累等使東海郡開國公食邑二千戶徐公
行狀

曾祖仁徵授吉州太和縣丞祖玄之皇考功員外
郎贈吏部郎中諡議大夫考義皇汾州司戶參軍
贈信州刺史京兆府萬年縣青蓋鄉交原里東海
徐公年七十一公諱申字維降東海刻人永泰元
年寄籍京兆府舉進士秘書省正字初辟巡官于
江西又掌書記于嶺南行營哥舒氏之亂平奏授
大理評事轉司直兼監察御史賜緋魚袋又充節
度判官于朔方改太子司議郎兼殿中侍御史選
授洪州大都督府長史時刺史嗣曹王舉江西兵
討李希烈故以長史行刺史事任職有成曹王薦

之廷韶州刺史四年餘年刺史相循居于縣城與
公田三百頃皆為墟縣令丞尉雜處民屋公乃募
百姓能以力耕公田者假之牛犁粟種與食所收
其半與之不假牛犁者叁分與貳田久不理中根
腐地增肥又連遇宜歲得粟比餘田畝盈若干九
積粟三萬斛將復築室于州故城令百工之伎以
其藝乘者與粟有差刺史臨視給與吏無所行其
私以故人皆便信應募者數千人陶人不知墁而
塗有餘巧人不板築而墻有餘築人不操斤斧而
工有餘陶者巧者築者各以其所能相易

十旬而城廓室屋建立如初刺史以官屬廷于新
城縣令之下各返其室創六驛新大市二道四館
器用皆具曲江縣五百人以狀詣觀察使請作碑
立生祠公自陳所為不足述假令如百姓言乃刺
史取宜如此何足多者不願以小事市名觀察使
嘉其讓密以狀聞廷合州刺史其始來也韶之人
戶僅七千九六年廷合州其去也倍其初之數又
盈四千戶焉初先夫人歿于江西遭賊難未克返
塋寓於西原公不赴合州表請奉喪歸祔于河南
府偃師縣既滄景觀察使奏請景州刺史關其帥

輒以其僚屬將校自為之不請有年矣宰相累進
刺史名皆不出及召公入言合上旨遂下詔廷朝
散即使持節景州諸軍事景州刺史充本州團練
使兼御史中丞賜紫金魚袋尋加節度副使其明
年滄景節度使始朝二年又朝遂留詔以其從父
兄代之奏以公充行軍司馬公遂以信州府君塋
近漕河表求改塋於重山詔許之既徵入京師廷
散大夫使持節都督益州諸軍事守益州刺史
官經畧招討使御史中丞賜紫如初是歲正元
七年也詰佹盜除其暴掠良聚攻禁下如今通

蠻夷道責土貢大首領黃氏帥其屬納贖代
氏周氏常氏儂氏皆群盜也黃氏之族最強盤亘
十數州周常氏之不附之也率群黃之兵以攻之
而遂諸海黃氏既至群盜皆服於是十三部二十
九州之蠻寧久無寇害其明年制廷使持節都督
廣州諸軍事守廣州刺史兼御史大夫充嶺南節
度觀察處置本官經畧等使散官如故前節度使
歿掌印吏空授人戕百數謀殺發兵為亂事竟奔
走公至陰以術得首惡殺之不問其餘軍中以安
蠻夷俗相攻劫群聚緣道殺斲捕斬無復犯者蓋

國歲來互市奇珠瑋瑁異香文犀皆浮海類以來
常貢是供不敢有加舶人安焉商賈以饒二十一
年進階銀青光祿大夫元祐元年詔加金紫光祿
大夫檢校禮部尚書封東海郡開國公食邑二千
戶餘如故詔書未至有疾薨于位凡三佐藩奔之
臣五為刺史一為經略使一為節度觀察使階系
升為金紫光祿大夫贈尚書丞丞為開國公官更延為
禮部尚書其事業皆足以傳示後嗣為子孫法身
年七十雖不登於上壽儒者所慕之前夫人高海高
氏子皆天授天秩風聲民對國夫人有子元弼

右衛倉曹參軍以讀書為文為業謹具歷官行
如前伏請朕太常編錄謹狀

皇祖實錄

公諱楚金諮議詔第二子明經出身初授衛州參
軍又移貝州司法參軍夫人清河崔氏父球充鄆
懷三州刺史公伯元惟慎太原府壽陽縣丞性曠
達樂酒不理家產每日賣錢一千出將求飲酒者
必盡所資然後歸其飲酒徒善草隸書張旭其人
也公事壽陽如父在每事必請於壽陽壽陽曰
汝年亦長矣若都不能自治立然每事必擾我何

為公曰不請非不能為此也不滿乎人心其請如
初及在貝州刺史嚴正晦禁官吏於其界市易所
無公至官之日發生之具皆自備州車以來又以
二千萬錢入曰吾食貝州水而已及正晦黜官百
姓舊不樂其政將俟其出也群聚號呼斃之以瓦
石揚言無所畏忌錄事參軍不敢禁懼謂公曰若
之何公曰錄事必不能當請假歸攝錄事參軍所
可矣乃知之公告正晦曰君以威強不便於百姓
百姓俟使君行加害於使君使君之期出其為使
君任其患於是集州縣小吏俾言餘人皆持兵無

兵者特朴埋長木於道中令三
出觀者杖殺大夫下及正晦
刺史出可作矣如李司法何
委政於公奸吏皆務以告
理壽陽之夫人鄭氏嘗知於
叔賢於其某之質不致與叔
和子孫必有興者壽陽之某
戶部氏兄弟五人妹一人其
必抱置膝上或泣或笑諸
失母時有子三人曰某松承
父業不敢弗及夫人

清河崔氏能以柔順接于親族其來歸也百官以
為已親焉期生不及祖不得備聞之者其行其州
事業親授之於先子其餘皆聞之於子孫而父伏
以皇祖之為子弟時若不能自任也及至官行事
皆可以傳於後世為子孫法蓋聞先子有善而不
知不明也知而不傳不仁也親欲傳其文而不足
以稱頌道德之耀來世是以頌者願假辭於執事
者亦惟不棄其愚而為之傳焉

李文卷第十一

李文卷第十二

碑傳四首

高愍女碑

楊烈頌傳

東川節度使盧公傳

歐陽詹傳

高愍女碑

愍女姓高姊妹名也生七歲當建中二年父齊昭以
漢陽歸天子前此賊質姊妹與其母死其母李
守漢陽及齊昭以城歸姊妹與其母死其母李
氏也將死憐姊妹之幼無辜請獨免其死而以為婢
于官皆許之姊妹不欲曰生而受辱不如死母兄且

皆不免何獨生為其母與兄將被刑咸拜于四方妹
妹獨曰我家為忠宗黨誅夷四方神祇尚何知問其
父所在之方西嚮哭再拜遂就死明年太常謚之曰
愍當此之時天下之為父母者聞之莫不欲愍女之
為其子也天下之為夫者聞之莫不欲愍女之為其
室家也天下之為女與妻者聞之莫不欲愍女之行
在其身也昔者曹娥思肝自沉于江獄吏噤囚章女
悲號思唁其兄作詩載馳緹縈上書廼除肉刑彼四
文者或孝或智或義或仁噫此愍女厥生七年天生
其知四女不倫向遂推而布之於天下其誰不從而

化焉雖有逆子必改行雖有悍妻必易心賞
天下勸亦王化之大本也異哉愍女之行而不家
戶知也貞元十三年春在汴州齊昭時為潁州刺史
昌黎韓愈始為公言之余既悲而嘉之於是作高愍
女碑

楊烈婦傳

建中四年李希烈陷汴州既又將盜陳州方其兵數
千人抵項城縣蓋將掠其玉帛俘繫其勇力以會于
陳州縣令李侃不知所為其妻楊氏曰君命危至
當守力不足死焉戰也君如逃則誰守也其與財

皆無將若何楊氏曰如不守縣為賊則何矣今禦
皆其積也府庫皆其財也百姓皆其力也國家
何有奪賊之財而食其食重賞以令先其必濟
於是召齊吏百姓于庭楊氏言曰縣之賊子也雖
然歲滿則罷去非若吏人百姓然吏人自始也人
也墳墓存焉宜相與致死以守其邑忍失其身而
為賊之人耶衆皆泣許之乃徇曰以左石中賊者
與之手錢以刀矢兵刃之物中賊者與之並錢得
數百人慨率之以乘城楊氏親為之爨以食之無
長少必周而物使徧與賊言曰項城父老義不為
賊矣皆悉力守死得吾知不足以為威不如守去德
失利無益也賊皆笑有妻者集于庭之老幼而
歸楊氏責之曰君不在則人誰守之夫與其死于
城上不猶愈於家乎侃遂忍之復登陴項城小邑
也無長戟勁弩高城深溝之固賊氣吞焉率其徒
將絕城而攻不以弱弓射賊者中其帥墜馬死其
帥希烈之將也賊失勢遂相與散走項城之人無
傷焉刺史上侃之功詔廷絳州太平縣令楊氏至
茲猶存姻人女子之德奉父安舅姑盡其順和於
姊姒於卑幼有慈愛而能不失其貞者則實矣辨

行列明攻守勇烈之道此公卿大臣之所難教自
兵興朝廷寵旌守禦之臣憑堅城深池之險儲蓄
山積貨財自若冠冑服甲負弓矢而馳者不知幾
人其勇不能以守其忠不能以死棄其城以去者
有矣彼何人哉若揚氏者嬭人也孔子曰仁者必
有勇揚氏當之矣

贊曰九人之情皆謂後來者不及於古之人賢者
古亦稀獨後代耶及其有之與古人不殊也若高
慈女揚烈嬭者雖古烈女其利加焉子慎其行事
淫戒而不傳故皆叙之

故東川節度使李德裕公傳

李德裕字元賓河陰人也其先世居鄭州刺史坦少孤初任
襄城縣尉歷宣威將軍二縣尉其吏河南知捕賊
杜黃裳為河南人諫坦曰某家子與惡人游彼為產
公為捕賊本使君之坦仰曰凡居官終始廉白祇入
俸錢者幾幾大官亦無厚畜以傳其能多積財者必
利下以取如其子孫善守之是天富不道人家也
不若德裕其不道以歸於人坦以為宜故不使察黃裳
驚視因使升就堂坐自此日加重及黃裳為吏部侍
郎將授以大常博士會鄭滑節度使李復表請為判

官得監察御史薛盈珙為監軍使累侵軍政坦每
據理以拒之盈珙嘗言曰盧侍御所言皆公我故
不違也有善吹笛者大將十餘人同啓復請以為
重職坦適在後所復問曰衆所請可許否坦笑曰
大將等皆父在軍積勞亟廷以及右職奈何自薄
欲與吹笛少年同為列耶復告諸將曰盧侍御言
是也大將慙遽走出就坦謝且曰向聞侍御言某
等羞媿汗出恨無死可入李復病甚盈珙以甲士
五百人入州城人皆恐駭坦遽止之盈珙不敢違
復卒盈珙主兵事制以姚南仲為副

曰姚大夫書生豈將材也坦私謂人曰姚大夫外雖
柔中甚剛又能斷監軍若侵必不受福自此萌矣若
從公喪而西必遇姚大夫吾恨為所留以及禍遂濟
去姚果以牒來請終以不遂得解人孟珙與姚隙後
事多黜死者王緯觀察洪西兼擅鉄使請坦為轉運
判官及李錡代請如初轉殿中侍御史錡所行多不
循法坦每爭之詞切深聽者皆為之惧累來去不得
凡在錡府七年官不改錡惡狀滋大坦慮及難又非
可以力爭遂與裴度李約李陵繼以罷去後數年詔
追錡入錡遂劾兵士殺留後以留已因發兵取宣州

為其將所擒送斬死順宗皇帝寢疾王叔文居翰林
決大政天下慄慄坦說宰相常執誼遂白立皇太子
以樹國本執誼深納其言將以為殿中侍御史中丞
亦以為請王叔文使人請坦將以為員外郎知揚子
留後坦假他詞不受叔文不悅故事皆不行及王叔
文貶出坦遂為殿中侍御史權德輿為戶部侍郎請
為本司員外郎尋轉庫部兼侍御史知雜事未久廷
刑部郎中知雜事如故赤縣尉有為御史臺所按者
京兆尹密救之上使品官釋之坦時在宅臺吏以告
坦白中丞請覆奏然後奉詔品官遂以聞上曰吾固

宜先命所司遂使宣詔乃釋數月廷御史中丞賜紫
衣分司東都尋歸西臺初上禁絕罷鎮節度使等獻
財貨載於赦條時山南節度使柳晟浙東觀察使闞
濟美皆罷鎮有所獻坦劾奏之晟濟美皆白衣待罪
上召坦對曰柳晟闞濟美所獻皆家財非刻下鄉勿
刻坦對曰殿下所以布大信於天下者執令是也且
兩臣首違詔臣職當舉奏陛下不可以失大信于天
下上曰朕既受之矣如何坦曰出歸有司以明陛下
之德上善之竟為宰相所寢李錡之誅有司將自淮
安王之下墳墓皆毀之宰相不敢言坦奏曰李錡與

國同族其反逆不道身既斬死并殺其子罪塞矣若將追毀祖父墳墓臣以為不可淮安王有佐命之功且國貞又死王事漢誅霍禹不毀霍光之墳房遺愛伏誅罪不追於玄齡此前代及聖朝之故事也康誥曰父子兄弟罪不相及若將易之無乃罪及良臣且傷大体乎上改容曰非卿言何由知遂命停毀仍禁樵採給五戶守淮安王之墳以示不忘其功上策賢良方正之士有懷書策入者將深罪之坦奏言四方不明知所犯必以為策詞抵忤宜輕其責上從之江寧節度使裴均入為僕射行香時將獻諫議常侍之

上坦引故事及姚南仲近例以為證裴均怒曰姚南仲何足為例耶坦應曰姚僕射但不是勅使耳何不足以為例也遂為均所排改左庶子坦初為殿中當社黃裳為相故累廷九二十有三月而至中丞及居官守道正言日聞而人忘其廷之速數月宰相裴均白以為宣歙池等州都團練觀察處置等使兼御史中丞宣州刺史劉闢反逆其婿蘇強坐誅死強兄弘為晉州從事自免闢人莫敢用坦奏言蘇弘有才行其弟強坐劉闢反誅弘與強相去三千里必不通謀以強廢弘非陛下惜材之志因請弘以為判官上曰

假令蘇強當時不就誅尚宜隨材而任之况在其地
耶遂得請及在宣州江淮大旱米價日長或說節其
價以救人坦曰宣州地狹穀不足皆他州來若制其
價則商不來矣價雖賤如無穀何後米斗及二百商
人舟米以來者相望坦乃借兵食多出於六以平其
直人賴以生當途縣有清田久廢坦以為歲旱苟貧
人得食取傭可易為功於是清田盡闢藉傭以活者
數千人又以羨錢四十萬代稅戶之貧者故旱雖甚
而人忘災五年冬廷刑部侍郎充諸道蓋鈇轉運使
減冗職八十員自江之南補置付之院監使無所與

數戶部侍郎判度支坦歷更重位以朝廷是非大体
為己務故多所陳請或上封告泗州刺史薛謩言為代
北水運使時畜馬四百匹有司以獻者事不度
矣乃使巡官往驗之未及上進之使品官劉泰昕按
其事坦上陳以為陛下既使有司驗之又使品官往
置大臣不足信於品官乎臣請先置免疏三奏上是
之遂追劉泰昕舊職於別郡者或奪土地所有則厚
價以市之他境但悉條奏奪去其所有無罷宣歙百支
米收其價以移之於湖南光江南應腊配之郡汝州
以韓重華為代北水運使開廢田列柵二十益兵三

千人歲收粟二十萬石八年西受降城為河所壞城
使周懷義上言宰相議從天德故城坦以受降城張
仁亶所作城當礮石得制此狄之要害若遷河原宜退
三數里其費不多天德故城北倚山去河甚遠失制
虜要地非便因使水運使李觀遠送利病以回世宗
使品官強文彩覆之文采言與坦合上台望使備
將行之竟為宰相所奪乃出坦為劍南東川節度使
周懷義數月憂卒燕王行弒其位遂為天德節度使
士歸怨因殺懷義子李承嗣與宰相李絳等論多
合各請為一節度使而解罷坦至東川凡

得兩稅外山澤蓋其稅率之籍夷人歌之綿劍二
州有通文成州路每歲奏發二千兵以防西蕃其
實不過一二百人坦乃奏於衝地置戍鎮之上誅
蔡州詔發兵二千人於安州每朔望使人問其父
母妻子其有疾者與之藥故兵士皆感息而無逃
者及薨贈禮部尚書

李文卷第十二

李文卷第十三

碑述三首

平原郡王栢公碑

左僕射傅公碑

陸歙州碑

唐故特進左領軍衛上將軍兼御史大夫

平原郡王贈司空栢公神道碑

栢氏系自有周初虞封晉其支子有受邑於伯為
萊地者因以為姓後世生宗宗以直顯景公厲
公之時三鄰患宗共譖殺之其客畢陽以其子州
黎奔楚於是改伯為栢及漢有鴻者由議郎為魏

郡守子孫家焉故為魏郡也有季纂者入唐為工部尚書生敬仁為蘄州長史生審為河南宋寧令贈大理少卿生造為懷之獲嘉令即公之父也公諱良器字公亮生十二年安祿山陷東郡獲嘉守縣印不去為賊將所害公既免喪懷平志乃學擊劔依父友王奐奐嘗曰汝額文似李臨淮面黑子似顏平原其必立臨淮即太尉光弼也年十七得汝州龍興尉王奐從事太尉府薦之太尉召與言遂授以兵使平安越之盜累授左武衛中郎將以取將兵謗於浙西唐德歲中盜陷江東十州公帥

取將兵來婺州功多進左武衛將軍平方清於洞中賜錢五百萬破張三霸海上改左金吾衛將軍為都知兵馬使大曆初潘獍虎據小傷胡參據蒸里江東大擾公將卒三千人騎五百人與戰皆破之斬首二千級執俘一千人詔加檢校光祿大夫兼蘇州別駕又加左羽林大將軍試殿中監察御史李栖筠問公年對曰二十有四戰陣幾何曰六十有二李公歎曰相識甚近得公甚深勉哉公泣涕謝曰道時喪亂父死家破誓棄性命以除寇雖言私志未可立敢望為明公之所知哉建中初嘗至京師宰相楊炎召

之語公因言兩河有事朕稅所辦者唯在江東李道
昌無政宜速得人以代之炎許諾其冬遂并宣越與
浙西以為一而以晉州刺史韓滉代道昌馬及德宗
如梁州李希烈陷汴州逐李勉遂僭帝號寇陳州圍
宋寧陵滉使公將卒萬人救陳并寧陵是時劉玄佐
敗于白塔收其卒保宋州使將 奏昭守寧陵希烈
擁水灌其南築壩道親臨其北令軍中曰明日日中
陷城公聞之厲所將兵成陣以進恐城陷不及使
弩手善游者五百人沿汴渠夜進去城數里沒於
水中遂得入及旦賊驅勇卒登城城中伏弩悉發

人號其後希烈始知公兵得入殺其將因罷去
昌集城中人哭曰向非公正救至則此城已屠矣
之初襄邑收漳口宋州是獲全李希烈遂失汴州
奔於蔡討封平原郡王食邑三千戶賜卹正兼御史中
丞貞元二年淮西平詔曰休勳茂公 自子伯昂戎籍
乃為裨將副非所以褒功寵德也其少子 神策軍
將軍知軍事兼官如故五年詔與太監 侍即中城
等三十六人 形於凌煙閣上 形而贊之
八年遷大將軍士卒之在市販者悉 去募勇者
代之故為所置者不悅明年公之故 有犯禁宿於

望仙門者衛使奏言遂轉右領軍衛大將軍所置者
乃用其爵將魏循代為將軍自是軍中之政不復在
於將軍矣十五年兼英武將軍使十八年左領軍
兼御史大夫十九年閏十月以疾卒年六十一天子
為之廢朝贈陝州大都督明年葬于万年異原夫人
康氏先歿後始附葬有子曰元封為蔡州刺史曰耆
為諫議大夫曰元鳳為澄城主簿曰竊為襄州參軍
三女皆幼以元封及耆累贈為司空夫人追封魏國
太夫人初公與工部尚書李長榮皆事晉公伯雅至
鄜坊長榮至河陽公伯雅嘗謂長榮曰公自少則致力

於外及壯解軍防則公之圖希烈之所以兵不及一
衆而江東以全者實公之所為也功最高位獨以不
副克生良子能大報家大和元年朔自廬以諫議大
夫徵路出于蔡元封江拜且曰先公之碑未樹教後
嗣其果其俟也公不可聽乃銘曰
公生十二未壯家數誓殄父讎不怯勇死擇官就軍
焯有其勲擒兇盜平威明顯聞人誰不貴孰勝其位
由卑至巨莫匪躬致宜躋土疆報未功當是生後人
紹慶不忘

唐故橫海軍節度齊棣滄景等州觀察處置

等使金紫光祿大夫檢校兵部尚書使持節
齊州諸軍事兼齊州刺史御史大夫上柱國
貝郡開國公食邑二千戶贈左僕射傅公神
道碑

傅為古姓介子誅樓蘭王封義陽侯俊二十八將功
高稱於兩漢而毅以文章顯自漢以降世累有人曾
祖諫易州長史之太父定州司馬詔贈鄧州長史生
父榮贈刑部尚書公諱良弼字安道清河人也以善
弓矢顯仕于成德軍流輩稱其朴率傅野樂壽本
瀛州在范陽之德聞為要害地每劫攻以取兩

王武俊破走朱滔詔以傅野樂壽與成德軍其
公選為將而鎮於樂壽公善撫士卒與之同苦樂
士卒死力長慶初幽州繼亂范陽執其帥弘正
克融成德殺其帥弘正將殘廢因盜有地公奮
豈可以為賊乎遂誓衆喻以逆順閉城拒賊潛
聞詔以樂壽為神策行營命公以為都知兵馬使與
深州將牛元翼傅野李寰掎角相應賊屢攻之卒不
能克會詔下以克融庭湊皆為節度使公遂將樂壽
之師及其妻子拔城以出賊轉圍且引遂遇官軍以
免於難以功拜沂州刺史未幾到邊以為左神策軍將

軍數月拜鄭州刺史公本用武力進未嘗治人於是庸自刻飾清已率下凡從公將卒本與公同立於樂壽者皆稟俱不敢怨公以侵物故鄭州執理雖他時文吏罕能過者明年以為蓋州刺史開帝初以公為夏銀綏宥等州節度使若河陽濡民不耕織常項千餘落以畜牛羊馬代田業先時將帥多貪至有盜其善馬者蕃落咸怨走以出他境及公之至蕃人來見或獻馬者公拒而不受蕃人喜傳以相告未踰月而部落相勸皆歸蕃人之有罪者俱而來奔故事皆使蕃人出馬以贖公曰吾將於此戎當禁其逃亡

和信於贖皆抄之
年九月以公為橫海軍節度使校兵部尚書任以齊州以畱滄景之寇知兵者咸以為命將之當必且有成矣旌旗及於陝而得無事即路以十月騎虎於硤石驛春秋五十有六天子悼痛為之廢朝贈尚書左僕射以明年七月葬河南府洛陽縣伯樂里夫入南陽張氏柔立善斷公之以樂壽拒賊暨轉戰以出夫人羸衣糲食與兵士妻女均好用助公事拜封南陽郡夫人三子守常守中守章等皆孝謹寡過公方將立大功以報於國不以男子之任為念故官甚

卑有未官者銘曰

大夫致身不賴前業遭變竭忠奇節州縣乃作刺史
乃作將軍乃統邊兵事績昭聞廉節已嚴以督下
藩落完安馬牛在野大革前事自漢之初亦後之來
視此勿渝

陸欽州述

吳郡陸修公佐生于世五十有七年明于仁義之道
可以化人倫厚風俗者餘三十年連事觀察使觀察
使不能知退居于田者六七年由侍御史入為祠部
郎外郎二年出刺欽州卒于道貞元十六年四月二

十八日也凡人之所不能者必推之於天天之注
膏雨也人之心以為然也雨與苗皆天也或
雨于海或雨于山是苗不得仰其澤唯人心之天
之生俊賢也人之心以為然也賢者與
顯顯之人時不合或死于野或得其位而道不能行
顯顯之人不得被其惠膏雨之降也適然賢者之生
于時也亦然運相合旱苗仰其澤顯顯之人顯其力
傳說昔體尹吉甫管夷吾之類也時弟合膏雨降雖
終日賢哲生雖比肩旱苗之不教百姓之弗顯顯子
子思孟軻董仲舒之類也故賢哲之生自有其百姓

之賴其力天也不賴其力亦天也嗚呼以官之官雖
升于朝雖刺于州其出入雖二年消之亦與君子
田時弗差也公佐之賢雖曰聞已其無以必昭昭
然聞于天子公佐是以不得其職出則州又短命
道病死天下之未蒙其德固宜矣然則人之生君也
授之以救人之道不授之以救人之術亦膏雨之或
雨于海或雨于山旱苗之不沐其澤均也故君子
不得其位以行其道者命也其亦有不足于心者耶
得其道者窮居于野非所謂屈也而相天下非所
謂困其何有不足于心者耶